

INUIT ATAQATIGIIT INATSISARTUNI



UPA2023/65
11. maj 2023
Mikivusuk Thomassen

Kommuunit piffinni pinaveersaartitsinermut immikkoortumi anguniagaannut ikorfartuisussanik, Peqqissaanermik Ilinniarfiup ataani pinaveersaartitsinermik siunnersortitut ilinniartitaanermik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Agathe Fontain, Inuit Ataqatigiit)

Oqaaseqaat:

Nunatsinni pinaveersaatsitineq ukioq kaajallallugu ingerlanneqartarnera pingaaruteqartuusoq ilisimavarput, tamaannalu nammineq kajumissuseq annertoq atorlugu ingerlanneqartarluni soorunami kommuunit namminneerlutik assigiinngitsutigut taajuusikkamik atorfeqartsitisarlutik.

Innuttaasut suleqatigineqartarnerat annertuvoq, inoqarfiit siammasipput taamaammallu suliniutit assigiinngissinnaasarlutik.

Siunnersuutigineqartoq malillugu inoqarfiit assigiinngissuteqarlutik inooriaaseqarnerat eqqaamassavarput taakkummata inooriassertik malillugu aqqissuisarnerat, tamannalu ataqqineqassaaq.

Inuit Ataqatigiinniit soqutigisariuaannargarput tassaavoq assigiinngitsunik aqqissuisoqarsimatillugu illoqarfiit imminnut peqatigiillutik suleqatigiittarnissaat, kommuunini pinaveersaartsitinerit ingerlatarineqartarput soorunami suli annertusarneqartariaqartarlutik.

Pinaveersaartsitinerilli assigiinngitsuunissaat qulakkearniarneqartartoq qularutinngineqanngilaq.

Ataavartumillu ingerlanneqaraangata inoqarfinnut iluaqutaasinnaaneri qularutiginnilara. Taanngitsoorusunngilara assersuutigalugu Qaanaami ukioq 2022 pitsaasumik angusaqartoqarsimanagera nuannaarutigilluinnarakku, tamatsinnullu naleqartutut taasinnaavara tassa ukioq 2022 Qaanaap eqqaanilu immiut toquttoqarsimanninnera, suliniutit sulluunniit inuttaasumik peqataatsitinikkut ingerlalluarsinnaaneri takussutissartaqarpoq.

Inuit Ataqatigiinniit siunnersuutigineqartoq taperserlugu Ilaqutariinnermut Peqqutsimullu ataatsimiititaliamut ingerlateqqipparput.